

OBRAZOVANJE  
PERSPEKTIVA POVJERENJE  
UČENJE STIPENDIJA  
MOTIVACIJA PRILIKA  
INSTIVOLONTIRANJE POZNASTVO  
UČENJE PROSPERITET ODGO  
NAPREDAKSARADNJA HUMANOST USPJ  
BUDUĆNOST I<sup>1</sup> JVACIJA VOLONT  
DISCIPLINA NAUKA PODRSKA HA  
CENJE  
VO  
FONDACIJA  
USPJEH  
HASTORNA  
RII I<sup>1</sup>



FONDACIJA  
HASTOR

15/16

GODIŠNJI IZVJEŠTAJ



FONDACIJA  
HASTOR



„Obrazovanje je najmoćnije oružje  
kojim možete promijeniti svijet“

# 20

GODIŠNJI IZVJEŠTAJ

# 16

2015/  
2016

## / SADRŽAJ

- 04 /** Predgovor
- 06 /** Ko smo mi
- 07 /** Volonterizam i zajedništvo
- 08 /** Proces odabira stipendista
- 09 /** Stipendisti 2016/2017.
- 10 /** Rezultati 2015/2016.
- 12 /** Deset godina Fondacije Hastor
- 18 /** Uspješne priče naših stipendista
- 23 /** Uspješne priče bivših stipendista
- 25 /** Generacija maturanata 2015/2016.
- 32 /** Generacija diplomanata i magistranata 2015/2016.
- 34 /** Učitelj Ramo nakon 10 godina
- 36 /** Volonteri Fondacije Hastor
- 36 /** Naši projekti
- 37 /** Aktivnosti naših stipendista
- 38 /** Pridružite nam se
- 39 /** Klub prijatelja

## / PREGOVOR

Na kraju godine u kojoj Fondacija Hastor obilježava 10 godina od svog osnivanja, kao i 10 godina aktivnog i zapaženog rada sa značajnim rezultatima, ne preostaje kazati puno više od onoga što kazuju stranice koje slijede.

U moru pozitivnih priča, uspješno prevaziđenih izazova, ali i pionirskih poduhvata koje su iznijeli volonteri i prijatelji Fondacije Hastor, izdvojio bih svakako činjenicu da slična priča ne postoji čak ni u okruženju Bosne i Hercegovine, a da se po broju sati koje svi volonteri ulažu u Fondaciju Hastor, sigurno svrstavamo među prve u svijetu. Nakon prvih deset godina rada i ispravno postavljene ideje i vizije o tome šta želimo sa Fondacijom, shvatili smo da je samo naporan i predan rad, pozitivno okruženje i stabilan sistem, ono što Fondaciju čini onakvom kakva jeste – uvijek na vrhuncu zadatka i na usluzi svojim stipendistima, svojim prijateljima i svojoj državi. Ne može se ne ukazati na desetine neprospavanih noći svih volontera u zbrajanju dokumentacije i ažuriranju naših baza, na stotine stranica dokumentacije koje promovišu ideju pomaganja i ulaganja u obrazovanje, na hiljade pređenih kilometara u potrazi za idealnim kandidatima, te druge velike cifre koje su direktan i relevantan pokazatelj uspješnog i aktivnog rada Fondacije Hastor u proteklih 10 godina.

Sve veći broj stipendista, aktivnosti i drugih aspekata našeg rada podrazumijevaju i veću odgovornost, te traženje načina da se odgovori

izazovima. Fondacija Hastor ide u korak sa vremenom, pa uz pomoć stipendista i volontera Fondacije Hastor pravi inovativna rješenja za monitoring, analizu i poboljšavanje uspjeha svih naših stipendista, ali i olakšavanje rada sa svih 1393 stipendista koje smo imali u 2015/2016. godini i 1714 stipendista koje ćemo imati u 2016/2017. godini. Trudili smo se da u sve naše procese, od najjednostavnijih do najkomplikovanijih, uključimo stipendiste; prepuštamo im da nose i vode procese dok su još učenici/studenti, kako bismo ih što bolje pripremili za izazove poslovnog svijeta nakon svog školovanja. Sve to u prvih 10 godina! Šta dalje? Shvativši značaj koji Fondacija Hastor ima u životima svih onih koji su na bilo koji način dio nje, ne preostaje ništa nego da još marljivije, predanije, detaljnije i kreativnije radimo na rastu Fondacije Hastor u svakom smislu.

Želimo da povećamo broj naših stipendista, dok u isto vrijeme želimo da povećamo broj onih koji postaju novi mladi lideri. Želimo da se uticaj Fondacije Hastor ne zaustavi na našim brojevima, već da se nastavi kroz fundamentalnu ideju i viziju koju zastupa Fondacija Hastor. Želimo da naši stipendisti budu pokretači kvalitetnijeg društva, želimo da se bore u školi, da se bore na fakultetu, da se bore na radnim mjestima, ali i da se svi zajedno borimo jedni za druge. Samo tako možemo obezbijediti okruženje u kojem će svako dobijati prilike i gdje će dobre ideje stvarati pozitivna djela!

*Seid Fijuljanin*  
Seid Fijuljanin

Direktor Fondacije Hastor



NDACUA  
HASTOR



## / KO SMO MI

Fondacija Hastor je neprofitna organizacija koja svojim radom podržava i osnažuje djecu i mlade na putu da postanu samosvjesni lideri u svojim zajednicama. Misija Fondacije je udruživanje raspoloživih finansijskih i ljudskih resursa, kao i njihovo efikasnije usmjeravanje sa ciljem dugoročnog poboljšanja kvaliteta obrazovanja. Fondacija, osim što u školovanju podržava talentovanu djecu/omladinu, daje priliku i marginaliziranoj djeci za koje obrazovanje, usljed teške socio-ekonomske situacije, predstavlja

nepremostiv izazov. Od prvog dana pa sve do danas – deset godina kasnije, Fondacija ohrabruje i podržava osnovce, srednjoškolke i studente iz cijele Bosne i Hercegovine koji naporno rade, pokazuju snažnu volju za uspjehom, imaju potrebu za finansijskom podrškom, te su spremni kroz obrazovanje unaprijediti svoj, ali i živote drugih. Stoga, naš moto je da pobjednici uvijek izaberu investirati u znanje u pohodu ka životnom uspjehu.

  
**mi smo**  
FILANTROPI

  
**mi smo**  
INOVATORI

  
**mi smo**  
INŽINJERI

  
**mi smo**  
ISTRAŽIVAČI

  
**mi smo**  
MUZIČARI

  
**mi smo**  
PISCI

  
**mi smo**  
POLIGLOTE

Svi stipendisti volontiraju 10 sati mjesečno i doprinose razvoju lokalnih zajednica.

Naši stipendisti osvajaju prve nagrade za djela u oblasti obnovljive energije, zaštite okoliša i razvoja novih proizvoda. Nekada naši stipendisti, a danas uspješni poslovni ljudi u vodećim bh. kompanijama.

Desetine objavljenih naučnih radova naših stipendista u oblasti poljoprivrede, prehrambene industrije, veterine, medicine.

Naši stipendisti osvajaju prve nagrade na festivalima gitare, klavira i harmonike.

Kad zaboravim juli, Polasci, Sunčano djetinjstvo, neki su od naziva objavljenih knjiga naših stipendista.

Mi u Fondaciji možemo pričati na više od 8 različitih jezika.

## / VOLONTERIZAM I ZAJEDNIŠTVO

Mladi ljudi u Fondaciji Hastor imaju priliku da svojim uspješnim školovanjem kao i volonterskim radom učestvuju u razvijanju lokalnih zajednica i vlastitih potencijala. Volonterske aktivnosti su organizovane u poseban sistem međusobnog pomaganja i zajedničkog napredovanja. Cilj nam je da kroz sistem mentorstva, našim znanjem i iskustvom uvijek budemo na raspolaganju našim mlađim stipendistima, istovremenom učeći od njih. Studenti stipendisti Fondacije Hastor volontiraju sa mlađim stipendistima u osnovnoj i srednjoj školi, pomažući im u učenju i savladavanju školskih prepreka. U tom cilju supervizori Fondacije pomažu pri odabiru institucija za volontiranje, tema i problema. Svaki sastanak je posebna prilika za naše mlađe stipendiste da nauče nešto novo. Volonterski sastanci se u prosjeku održavaju dva puta mjesečno. Pored obaveznih tema koje su uvrštene u godišnji Plan i program za održavanje volonterskih sastanaka, studenti mentori imaju slobodu

da, u dogovoru sa učenicima, uvrste i neke nove teme koje oni smatraju zanimljivim. Na ovaj način i učenici, skupa sa mentorima, učestvuju u kreiranju volonterskih radionica, a u isto vrijeme na kreativan i njima zanimljiv način stiču nova znanja. A kako bi naši studenti uvijek bili dobro pripremljeni za volonterske sastanke, svaki mjesec u sjedištu Fondacije Hastor oni prisustvuju mjesečnim sastancima, gdje svi imaju priliku razgovarati o ličnim iskustvima prilikom volontiranja, eventualnim poteškoćama sa kojima se susreću, a često imaju priliku učestvovati u posebno pripremljenim tematskim radionicama koje se organiziraju sa ciljem rješavanja zajedničkih problema u lokalnim zajednicama. Ovo je sistem koji uspješno djeluje već deset godina i naši rezultati su vidljivi kako u uspješnim pričama naših stipendista, tako i u njihovim lokalnim zajednicama u kojima svakodnevno daju svoj doprinos.

## / PROCES ODABIRA STIPENDISTA

Fondacija Hastor tokom cijele godine prima molbe za stipendiju od učenika osnovnih i srednjih škola u Bosni i Hercegovini. Molbe sadrže kontakte aplikantata, kratak opis socio-ekonomske situacije u kojoj se aplikanti nalaze, kao i informacije o postignutom uspjehu u školi. Obrada pristiglih molbi vrši se jednom godišnje u periodu april – maj, nakon čega se aplikantima šalje zahtjev koji trebaju popuniti zajedno sa pratećom dokumentacijom koja može posvjedočiti o iskazanoj ekonomskoj situaciji i ostvarenom školskom uspjehu. Prikupljeni podaci se unose u softver koji automatski kreira rang listu kandidata.

Nakon toga, tim Fondacije Hastor posjećuje kandidate sa najvećim brojem bodova. Nakon izvršene provjere stanja na terenu, stipendije se dodjeljuju određenom broju kandidata, ovisno od budžeta predviđenog za školsku godinu.

Od septembra 2015. godine, učenici mogu aplicirati i putem online obrasca na web stranici Fondacije Hastor:

<http://fondacijahastor.ba/konkurs/>

### **Studenti mogu postati stipendisti Fondacije Hastor ukoliko Fondacija objavi Javni konkurs za prijem novih studenata.**

Konkurs se objavljuje u periodu oktobar-novembar tekuće godine. Prijavljivanje na konkurs se vrši isključivo online prijavom, bez dostavljanja dokumentacije. Softver automatski kreira rang listu na osnovu uspjeha na fakultetu, te ekonomske situacije u porodici. Kandidati sa najvećim brojem bodova bivaju pozvani na intervju sa članovima Komisije za dodjelu stipendija.



**2430**  
PRISTIGLIH MOLBI



pregled molbi



zasjedanje komisije



**1900** poslanih  
obrazaca  
za stipendije



unos obraza u bazu



**1341** pristiglih  
obrazaca



bodovanje obrazaca



obilazak  
**748**  
kandidata sa najvećim  
brojem bodova

**454**  
NOVIH STIPENDISTA

## / REZULTATI 2015/2016.

Potpisivanje ugovora o stipendiranju sa osnovcima i srednjoškolcima za 2015/16. godinu.

septembar

Volonterske aktivnosti studenata u lokalnim zajednicama, raspoređivanje studenata po lokalnim zajednicama.

decembar

Selekcija učenika za projekat "Ljetni raspust u Holandiji" sa područja Živinica.

mart

Bodovanje obrazaca i obilazak kandidata; kraj školske godine; Projekat „Ljetni raspust u Holandiji“.

juni

Potpisivanje ugovora o stipendiranju sa studentima.

oktobar

Napravljen plan obilježavanja desete godišnjice Fondacije Hastor. U planiranju učestvovali i naši stipendisti.

januar

Likovna izložba radova stipendista Fondacije Hastor pod nazivom „Decenija radosti“.

april

Kraj akademske godine.

juli

Odabrano 15 novih stipendista studenata koji su aplicirali preko konkursa koji je objavljen.

novembar

Veliki polugodišnji sastanak sa studentima stipendistima. Rezimiranje uspjeha.

februar

Konferencija „Obrazovanje kao strateško Filantropsko ulaganje“; Partneri i učesnici *Maturantske parade*; Slanje obrazaca za stipendiju;

maj

**august** Pripremanje **1714** ugovora o stipendiranju

/ U potrazi za novim stipendistima  
godišnje prelazimo više od 40.000 km

**192**  
SUPERODLIKAŠA

01

**219**  
STUDENATA

02

**606**  
SREDNJOŠKOLACA

03

**900**  
BIVŠIH STIPENDISTA

04

05

**519**  
ODLIKAŠA

**98** OPĆINA

06


**375**  
PARTNERSKIH  
OBRAZOVNIH INSTITUCIJA

07

**1393**  
STIPENDISTA

08

**100.000**  
VOLONTERSKIH SATI



### **Deset godina Fondacije Hastor**

U 2016. godini Fondacija Hastor je obilježila desetu godišnjicu postojanja i djelovanja. Za deset godina rada podržali smo obrazovanje preko 2000 mladih osoba i ostvarili saradnju sa 375 obrazovnih ustanova, a do 10. godišnjice rada naše Fondacije, od početnih 304, dostigli smo brojku od 1714 stipendista u školskoj 2016/2017. godini. Pružiti šansu mladima da svojim uspješnim školovanjem kao i volonterskim radom učestvuju u razvijanju lokalnih zajednica i vlastitih resursa osnovna je ideja Fondacije Hastor. Naš cilj jeste da kroz naše djelovanje stvorimo nove lidere i jaču Bosnu i Hercegovinu.

FONDACIJA  
HASTOR

**„Hrani strast za  
učenjem! Ako budeš  
to radio, nikada  
nećeš prestati rasti.“**

  
FONDACIJA  
HASTOR

# 2006.

17. APRIL OSNOVANA  
FONDACIJA HASTOR



FONDACIJA  
HASTOR

STIPENDISTA **304**

PRVI STUDENTI  
POTPISALI UGOVORE

# 2007.

LJETNI RASPUST  
U HOLANDIJI

**649**  
STIPENDISTA

# 2008.

**726**  
STIPENDISTA

2009.  
**922**  
STIPENDISTA

2010.  
**948**  
STIPENDISTA

2011.  
**981**  
STIPENDISTA

2012.  
**1158**  
STIPENDISTA

LIKOVNA IZLOŽBA "PRVI KORAK"  
PROGRAM RAZVOJA PRIPRAVNIKA

2013. STIPENDISTA **1199**

**moja  
LIGA**

U ORGANIZACIJI SA MINISTARSTVOM ZA  
OBRAZOVANJE, NAUKU I MLADE

**1211**

STIPENDISTA U 80 OPĆINA

**57.365**

VOLONTERSKIH SATI

**10**

UČENIKA GENERACIJE

**14**

MAGISTRANATA

**6**

DOKTORANATA

**HUMANISTA 2014.  
NAGRADA**

OPĆINA VOGOŠĆA URUČILA FONDACIJI HASTOR ZLATNU PLAKETU

KORDINACIJSKI FORUM ZA  
**POMOĆ POPLAVLJENIM  
PODRUČJIMA**

U SARADNJI SA UNDP



2015.

**1393**

STIPENDISTA U  
98 OPĆINA

**74.698**

VOLONTERSKIH SATI

**219**

STUDENATA



2016.

**1714**


STIPENDISTA

NAŠ KLUB PRIJATELJA  
TRENUTNO BROJI  
PREKO 350 FIZIČKIH  
I PRAVNIH LICA.

**100.000**

VOLONTERSKIH SATI

OBRAZOVANJE  
UČENIJE  
MOTIVACIJA  
PROSPERITET  
ODGO  
BUDUĆNOST  
FONDACIJA  
USPJEH





U aprilu 2016. godine je svečano otvorena likovna izložba **“Decenija radosti”**. Ovo je bio prvi u nizu događaja kojima je obilježena deseta godišnjica Fondacije Hastor. Na izložbi su izloženi radovi stipendista Fondacije Hastor, a najbolji radovi su nagrađeni. Među radovima stipendista bila su izložena djela Udruženja likovnih umjetnika BiH koji su bili partneri na ovoj izložbi.



Još jedan događaj u sklopu obilježavanja desete godišnjice je i konferencija **“Obrazovanje kao strateško filantropsko ulaganje”**. Cilj konferencije je uspostavljanje platforme saradnje medija i organizacija koje se bave ovom vrstom aktivnosti kako bi se mediji što više uključili u promociju filantropije. Panelisti na ovoj konferenciji su bili *Fondacije Catalyst Balkans, Fondacija Ana i Vlade Divac, Rotary Club Hrvatska, Fondacija Atlas Crna Gora, kompanije Coca Cola Hellenic, Authority Partners, Magazin Azra, TV 1 i SOS Dječija sela BiH*. Ovo je prva regionalna konferencija ovog tipa i nadamo se da će biti samo jedna u nizu konferencija koje će za cilj imati promovisanje filantropije.





Kruna obilježavanja našeg jubileja bila je **Svečana akademija** koja je organizovana u Vijećnici. Akademiji su prisustvovali ambasadori, visoki državni zvaničnici, značajne javne ličnosti, donatori i prijatelji Fondacije Hastor, te bivši i sadašnji stipendisti. Na Akademiji je predstavljen rad Fondacije u prethodnih 10 godina, planovi za budućnost, ali i ono najvažnije: uspješne priče naših stipendista. Predstavljena je i aplikacija koju su razvili naši stipendisti, a koja će olakšati administrativni rad i monitoring u Fondaciji. Voditelji i učesnici cjelokupnog programa su bili stipendisti, što je pokazalo koliko talenata ima naša Fondacija.



Fondacija Hastor je već godinama partner **Maturantske parade**, a ove godine, u sklopu obilježavanja 10 godina, u paradi su učestvovali i naši stipendisti. Zajedničkim učešćem smo obilježili i deceniju Fondacije Hastor, kao i deseto jubilarno održavanje Maturantske parade. Stipendisti su se zajedno sa maturantima veoma zabavili plešući ples "Quadrilla".

# / USPJEŠNE PRIČE NAŠIH STIPENDISTA



## ADISA BOLIĆ

*najbolja matematičarka u Evropi*

Adisa Bolić, učenica trećeg razreda Tursko-bosanskog koledža i dugogodišnja stipendistica naše Fondacije, početak 2016. godine obilježila je nevjerojatnim rezultatima. Naime, na Evropskom matematičkom kupu, održanom u januaru ove godine, osvojila je zlatnu medalju i tako postala najbolja matematičarka u Evropi. No, to je samo početak. U narednim mjesecima, naša zlatna matematičarka osvaja sve što se može osvojiti. U mjesecu aprilu, na Evropskoj matematičkoj olimpijadi za djevojke u Rumuniji, Adisa osvaja zlatnu medalju i zajedno sa ostalim članicama našeg tima reprezentaciji Bosne i Hercegovine omogućila je da u konačnom plasmanu bude peta od ukupno trideset devet ekipa koje su uzele učešće. Posljednji u nizu uspjeha bio je plasman na ovogodišnjoj 57. Internacionalnoj Matematičkoj Olimpijadi, održanoj u Hong Kongu u periodu od 6. do 16. jula. Na ovoj Olimpijadi predstavnici naše države ovojili su 4 bronzane medalje, a jednu od njih ponijela je i naša Adisa. Vijesti o ovakvim uspjesima doprinose pozitivnoj slici naše zajednice, a u našoj Fondaciji posebno slavimo uspjehe naših stipendista jer su njihovi uspjesi kruna našega rada.



*„Matematika je svašta, ali sigurno nije puko računanje. Ona je neka vrsta umjetnosti, bar njen takmičarski dio kojim se ja bavim. Često za jedan zadatak postoji puno različitih rješenja, te je zanimljivo kako se drugačijim načinom razmišljanja dođe do drugog rješenja.“*

## / USPJEŠNE PRIČE NAŠIH STIPENDISTA

### NUDŽEJMA KARKELJA

*objavila je prvu knjigu pjesama pod nazivom "Sunčano djetinjstvo"*

Među mnoštvom stipendista Fondacije Hastor krije se naš mali dragulj, Nudžejma Karkelja. Učenica je sedmog razreda Osnovne škole "Mehmedalija Mak Dizdar" Sarajevo. Živi u glavnom gradu Bosne i Hercegovine sa roditeljima i dvije sestre koje joj pomažu u učenju i pružaju najveću podršku u svemu. Pored školskih obaveza i zadataka, Nudžejma

pjesama pod nazivom "Sunčano djetinjstvo", a u šestom razredu drugu u nizu pod nazivom "Islam-moj život". Trenutno piše i treću knjigu, koja će uskoro biti i objavljena. Stipendistica Fondacije Hastor je još od 2012. godine. Ističe kako joj Fondacija pruža pomoć u svakom smislu, ponajviše u finansijskom, te kako uz volontiranje svaki put nauči nešto novo i ima



*"Zahvalna sam Fondaciji, jer uz takvu pomoć mogu ostvariti svoje ciljeve, kako bih jednog dana postala što bolja i korisnija osoba u ovom društvu."*

slobodno vrijeme provodi u čitanju i pisanju pjesama. U četvrtom razredu, uz pomoć roditelja i učiteljice, objavila je prvu knjigu

priliku da upozna nove prijatelje.

Njena najveća želja je da poslije završene osnovne i srednje škole upiše Medicinski

fakultet u Sarajevu. Mi se nadamo da će Nudžejma uspjeti u svojim ciljevima, i da će još dugo godina ostati ponos naše Fondacije.

## RIJAD MUMINOVIĆ

*Dobitnik velikog broja medalja na internacionalnim takmičenjima iz informatike i matematike*

Rijad je student Elektrotehničkog fakulteta u Sarajevu. Njegovi uspjesi se najviše vežu za takmičenja iz matematike na kojima učestvuje od petog razreda osnovne škole, a od osmog razreda i na takmičenjima iz informatike. Pobjeđivao je na kantonalnim, federalnim i općinskim takmičenjima.

Poslije toga bio je učesnik i na olimpijadama:

- Juniorska Balkanska Matematička Olimpijada (JBMO2011), Kiparsrebrena medalja,
- Internacionalna Informatička Olimpijada (IOI2013), Australija- učešće,
- Balkanska Informatička Olimpijada (BOI2013), BiH- bronzana medalja,
- Internacionalna Matematička Olimpijada (IMO2014), Južnoafrička Republika- počasna pohvala,
- Internacionalna Informatička Olimpijada (IOI2014), Taiwan- učešće,
- Balkanska Informatička Olimpijada (BOI2014), Turska- srebrena medalja.

Također je bio *deputy leader* informatičkog tima koji je išao na Internacionalnu olimpijadu iz informatike u Kazahstanu 2015. godine. Njegov hobi za matematikom i programiranjem se pretvorio u vrlo uzbudljiva putovanja i upoznavanje mnogo ljudi kojima su ove oblasti također zanimljive. Kako već dvije godine nije takmičar, on često učestvuje u organizaciji samih takmičenja iz informatike, kako kvalifikacionih tako i državnih. Pored toga, ponekad drži predavanja srednjoškolicima iz informatike koji se bore za plasmane na državnim i internacionalnim takmičenjima.

Rijad se rado sjeća uspomena sa takmičenja iz 2014. godine kada se kvalifikovao za olimpijadu i iz matematike i iz informatike. Termini te dvije



olimpijade su se skoro poklapali. Matematika je bila prva i održavala se u Južnoafričkoj Republici, dok je tačno na kraju tog događaja počinjala olimpijada iz informatike, ali u Taiwanu koji je zračnom linijom udaljen 12671 km. On kaže kako je mislio da će morati da bira između dvije olimpijade, ali je uspio to riješiti, pa je prije kraja matematičke olimpijade uzeo let za Sarajevo, a iz Sarajeva je otišao za Taiwan. Kaže kako je zanimljivo to što je u Južnoafričkoj Republici u julu zima, pa su morali kupiti grijalice i spavati u džemperima, dok je u Taiwanu toliko vruće i sparno da je jedva čekao da uđe u neki klimatizirani prostor. U tri-četiri dana je promijenio godišnje doba iz ljeta u zimu pa u vrlo sparno ljeto i proveo više vremena u zraku nego na tlu u tih par dana.

U Fondaciji Hastor održava web stranicu i u timu je sa ostalim stipendistima koji pripremaju programersko rješenje kako bi olakšali formalnosti volontiranja.

## / USPJEŠNE PRIČE NAŠIH STIPENDISTA

### MIRZA OKIĆ

*Autor dvije knjige i nekoliko naučno - istraživačkih radova*

Mirza Okić iz Sarajeva, bivši učenik Pete gimnazije, a stipendista Fondacije Hastor od 2015. godine student je Kulturalnih studija. Kaže kako je ovaj neobični fakultet izabrao jer pokriva sve sfere njegovog životnog interesovanja, od klasičnih vidova kulture u smislu književnosti, do teatra, slikarstva i vajarstva. Među njegovim zanimljivim hobijima i interesovanjima je također i pisanje. Do sada je objavio dvije knjige poezije, a drama u kojoj je 2010. godine pisao o nasilju među mladim ljudima igrala je u *Poetskom teatru mladih "Juventa"*. Uz pomoć Gorana Vrhunca pokrenuo je neformalnu poetsku trupu Diogenes Poetes, koja je bila početak onoga što je sada poetska scena u Sarajevu. Trebamo napomenuti i to da Mirza također voli i da slika ali i da snima kratke filmove i dokumentarce. U sklopu studija, snimio je nekoliko kratkih dokumentarnih filmova, među kojima su "Kulturologija dva" i kratki filmovi po motivima Elektra Euripida i Danila Kiša. Najveći hobi ipak mu je pisanje naučnih radova koje posredstvom učešća na naučnim skupovima redovno objavljuje i izlaže. Najpoznatiji naučni radovi do sada su mu: "Umjetnost u kulturnim obrascima Rut Benedikt", "Književnost



kroz Kantovo uzvišeno i lijepo" te "Film i subkulture". Trenutno radi na naučno-istraživačkom projektu Cyberbullyinga za *University of Iowa*, kao i na novom istraživačkom radu koji se bavi uticajem filma i TV serija na gledaoce, odnosno manipulaciju koja se provlači kroz medije. Ističe kako mu u svim obavezama i poslovima Fondacija Hastor puno pomaže, jer uz takvu pomoć ima više vremena i motivacije da se posveti svojim naučnim radovima. Za kraj svog predavljanja, Mirza je preskočio mudre i promičudne izjave, pa je ovo upoznavanje završio sa par stihova John-a Clare-a: *"I long for scenes where man hath never trod, a place where woman never smiled or wept. There to abide with my Creator God, and sleep as I in childhood sweetly slept, untroubling and untroubled where I lie. The grass below above the vaulted sky."*

## **NASIR KUJRAKOVIĆ**

*Elektrotehnički fakultet, Tuzla*

Nasir Kujraković je bivši stipendista Fondacije Hastor, rodnim korjenima iz Gradačca, trenutno nastanjen u Njemačkoj, gdje živi i radi od aprila ove godine. Završio je Tursko-Bosanski koledž u Sarajevu, a nakon toga Fakultet elektrotehnike u Tuzli. Po završetku studija, radio je dvije godine u BS Telecom Solutions. Trenutno radi u EKS InTec GmbH kao software developer, prvenstveno na stimulaciji robota koji se koriste

*"Misija Fondacije Hastor je jedan pozitivan primjer za našu državu. Primjer koji treba da slijede mnogi. Nevezano za novac, finansije i podršku, drago mi je što sam bio, i što na neki način još uvijek jesam dio toga." -kazao je Nasir, koji je trenutno jedan bivši, ali vrlo uspješni stipendista i primjer i ostalim učenicima.*

u autoindustriji za proizvodnju automobila. U slobodno vrijeme voli biciklizam. Član Fondacije Hastor bio je pune četiri godine i ističe kako mu je to velika finansijska ali i moralna podrška i da se i danas dan osjeća kao dio ove velike familije.




## / USPJEŠNE PRIČE BIVŠIH STIPENDISTA

### ALEM MERDIĆ

*Ekonomski fakultet, Zenica*

Alem Merdić asistent je na Ekonomskom fakultetu Univerziteta u Zenici i bio je stipendista Fondacije Hastor od 2010. do 2014. godine. Na ovu poziciju došao je prijavom na konkurs za prijem asistenta na užu naučnu oblast Ekonomska teorija i politika. Kao zlatni student Ekonomskog fakulteta u Zenici s najvišim prosjekom ocjena izabran je za asistenta. Tijekom svog školovanja bilježi zaista brojne uspjehe: „Povelja dekana“ za najboljeg studenta na drugoj, trećoj i četvrtoj godini studija, nagrada Federalnog ministarstva obrazovanja i nauke FBiH za najboljeg studenta Ekonomskog fakulteta u Zenici u akademskoj 2011/2012. i 2012/2013. godini, predstavnik studenata na dodiplomskom i postdiplomskom studiju, predsjednik asocijacije studenata u Studentskom centru „Zenica“ u Zenici, nagrada „Student decenije“ kao najbolji student u Studentskom centru „Zenica“ u Zenici u posljednjih 10 godina, te još brojne druge pozicije i priznanja. Na postdiplomskom studiju bilježi prosjek ocjena 10.0.

Trenutno je u fazi izrade magistarskog rada, a u saradnji s eminentnim stručnjacima iz oblasti ekonomije objavio je i nekoliko naučno-istraživačkih radova.



*„Često volim s ponosom da istaknem da ne bih bio to što jesam da nije bilo Fondacije Hastor. To je bila ogromna podrška za mene u finansijskom smislu. Ali, ona još važnija bila je ta moralna podrška, osjećaj da imate nekoga ko vam je pružio ruku podrške kada je najteže, da vi istovremeno djeci s kojom volontirate pružate svoju ruku podrške, to je neprocjenjivo. Također, osjećaj odgovornosti za primljenu podršku i povjerenje imao je veliki uticaj na moje radne navike, jer sam konstatno želio da opravdam ukazano povjerenje i da ne budem „promašena investicija“. Fondacija „Hastor“ pomogla mi je da se kroz kontinuirane volonterske aktivnosti, redovne mjesečne sastanke izgradim kao ličnost, da spoznam i njegujem prave vrijednosti na kojima se temelji i sama Fondacija. Danas više nisam stipendista, ali ću doživotno biti član i prijatelj Fondacije „Hastor“*



# / GENERACIJA MATURANATA 2015/2016.

## IV stepen

Ahmatović Hadija  
Andrić Aljoša  
Avdić Vernes  
Bagarić Tomislav  
Bašić Selma  
Bećar Nejra  
Berbić Nasiha  
Bradarac Amar  
Bukvić Arif  
Buljubašić Ajla  
Dizdar Ismar  
Doljančić Mahir  
Đopa Ajla  
Duvnjak Sakib  
Džindić Amra  
Elezović Haris  
Fazlić Medina  
Garaplija Eniz  
Habibović Muamera  
Hakalović Ezad  
Halilčević Maid  
Halilović Asim  
Halilović Ermin  
Hasanić Sabina  
Hasanović Huso  
Hebibović Vedad  
Herić Nejla  
Hidanović Merima  
Hodžić Melisa  
Hrustić Lejla

Huseinbašić Vedad  
Ibrahimović Mahir  
Ibrić Dženita  
Ičanović Jasmina  
Idrizović Enida  
Imamović Erna  
Jurišić Ana  
Jusupović Azra  
Karač Faruk  
Karač Zerina  
Karišik Tesnim  
Kecman Dragan  
Kermo Malika  
Klinac Armin  
Kolić Aldin  
Koluh Amina  
Krajišnik Husejn  
Krešić Matea  
Kršić Dalila  
Krupalija Tarik  
Kučanović Elmin  
Lejlić Jasmina  
Lugonja Jasmina  
Makaš Kenan  
Mandić Bojan  
Medinić Emir  
Mehić Mirza  
Mehmedović Edisa  
Memišević Azra  
Meša Ensar

Mešić Semir  
Miletić Dragana  
Milosavljević Sara  
Mrša Amila  
Mujaković Zaim  
Mujić Behaija  
Mulabdić Sanela  
Mulaosmanović Amina  
Mustafić Azmir  
Neslanović Aida  
Novaković Nemanja  
Ohran Amela  
Omeragić Almir  
Omerčević Selma  
Omerović Armin  
Orlović Zeid  
Osmanović Dina  
Pašić Šerifa  
Pašović Midhat  
Petak Lejla  
Pezer Amela  
Pezerović Enver  
Pilav Fuada  
Pinjić Amajla  
Pita Tarik  
Popović Tijana  
Ramić Mejra  
Ramić Nermina  
Redžić Amra  
Salihović Amra

Salihović Arijana  
Sarač Emela  
Sarajlić Belmira  
Seferović Arialda  
Selimović Adelisa  
Simeunić Željko  
Skopljak Asmira  
Smajić Sabina  
Softić Elma  
Spahović Berin  
Spasojević Klaudija  
Subašić Merjema  
Sulejmanović Fatima  
Suljić Šemsudin  
Šabanović Mediha  
Šarić Zejna  
Šečić Enisa  
Šeper Namira  
Šljivak Emina  
Šljivo Nadira  
Tiro Mesud  
Trogrlić Ana  
Turić Ramiz  
Vranešić Elvedina  
Zahirović Azra  
Zlatić Nermina  
Zupčević Melisa

/ GENERACIJA MATURANATA  
2015/2016.



FONDACIJA  
HASTOR

# ZAJEDNO RASTEMO KROZ GENERACIJE!

## NADIRA ŠLJIVO

Nadira je završila Treću gimnaziju u Sarajevu, matematičko-informatički smjer i upisala Elektrotehnički fakultet.

Najveći životni uzori su joj roditelji i stariji brat, koji su je naučili životnim vrijednostima. Stoga se trudi da na putu ka svojim životnim ciljevima napreduje u svakom polju. Uživa provodeći slobodno vrijeme sa dragim osobama, zatim u putovanjima, upoznavanju novih prijatelja, te sticanju znanja i vještina, a posebno učenju stranih jezika.

Stipendistica Fondacije Hastor je od sedmog razreda osnovne škole. Ova stipendija je uveliko olakšala njeno školovanje, a kroz Fondaciju Hastor je formirala sebe kao stabilnu ličnosti. Fondacija Hastor ju je naučila da se svaki trud i rad višestruko isplate i nagrade, što joj daje veći poticaj i motivaciju za dalje napredovanje.

# / GENERACIJA MATURANATA FONDACIJA 2015 /2016.

## *III stepen*

Bekir Selimović  
Amer Tiro  
Alen Baljak  
Jusuf Bambur  
Nerma Čaušević  
Maja Mioč  
Suada Zec  
Dževada Šumarić  
Irma Jusić  
Josip Gudelj  
Adnana Uzun  
Ismeta Mujanović  
Emina Imširović  
Nerma Šumić  
Amela Malokos

## ZAJEDNO RASTEMO KROZ GENERACIJE!

### ADNANA UZUN

Adnana Uzun je bivša učenica trgovačke škole Srednjoškolskog centra u Hadžićima, smjer prodavač. Trenutno živi u Hadžićima, sa roditeljima i mlađom sestrom. Stipendista Fondacije Hastor bila je punih šest godina, te kaže kako joj je Fondacija bila i ostala najveća podrška u životu. "Uz pomoć stipendije Fondacije Hastor plaćala sam autobusku kartu i kupovala sebi odjeću i potrebni pribor za školu, što je i meni i mojim roditeljima puno pomoglo. Uz ovakve ljude i ovakvo okruženje, postizala sam samo najbolje rezultate i treći stepen sam nakon mnogo vrlo dobrih uspjeha napokon završila odličnim."

## / GENERACIJA MATURANATA 2015/2016.

*Učenici generacije*

Osnovna  
škola

Berisa Muharemović  
Ilvana Jusić  
Almir Mujačević  
Aldina Delić  
Indira Džanić

### BERISA MUHAREMOVIĆ

Berisa živi sa roditeljima, četira brata i dvije sestre u Konjević Polju, gdje je pohađala Osnovnu školu "Petar Kočić", a iz koje je ove godine izašla kao učenica generacije. Ovu titulu je stekla svojim predanim trudom i zalaganjem, što pokazuje to da je od prvog do devetog razreda imala odličan uspjeh i bila aktivna u školskim sekcijama i takmičenjima. Veliku ljubav gaji prema knjizi i iz tog razloga slobodno vrijeme uvijek iskoristi da pročita neku knjigu. Njena želja je da u idućem periodu koji stoji ispred nje uspješno završi Srednju medicinsku školu i upiše fakultet. Berisa kaže da je Fondacija Hastor za nju od velikog značaja, jer joj pomaže da se dalje školuje i obezbjeđuje uslove za uspješnije obrazovanje. Ona se nada da će i u budućnosti steći još više znanja i uspjeha.

### ILVANA JUSIĆ

Ilvana je završila Osnovnu školu "Konjodor" kao učenica generacije i upisala Medicinsku školu u Bihaću. Ona živi u Bužimu sa ocem, majkom i sestrom, ali od septembra će početi stanovati u Bihaću. Ilvana je veoma kreativna i vrijedna osoba, pa je i nagrađena titulom učenice generacije svoje škole. Ona voli prirodu i često fotografiše razne detalje iz prirode i prirodu općenito, što joj je i hobi. Ona planira u skoroj budućnosti da završi srednju školu sa odličnim uspjehom i da se upiše na fakultet za koji misli da će joj omogućiti posao u struci koju voli. Za nju Fondacija Hastor predstavlja mnogo toga, ali ističe koliko joj je prvenstveno pomogla u dosadašnjem školovanju i kaže da će nastojati da to opravda sa odličnim uspjehom i još većim trudom, zalaganjem i raznim priznanjima.

## / GENERACIJA Maturanata 2015/2016.

*Učenici generacije*

### ALMIR MUJAČEVIĆ

Almir je završio Osnovnu školu "Tinja" u Tinji iz koje je izašao kao učenik generacije. Živi u Tinji sa mamom, sestrom i nanom. Koliko je predan školi i koliko se trudi i zalaže za uspjeh je pokazala i njegova titula. Ove godine će poći u prvi razred Srednje medicinske škole u Tuzli. Almir je veliki zaljubljenik u sport, pa on svoje slobodno vrijeme koristi kako bi igrao fudbal, odbojku i stoni tenis. Nakon što završi srednju školu nada se da će upisati Medicinski fakultet koji će mu ostvariti san da postane doktor. Stipendista Fondacije Hastor je već tri godine, za koju ima samo riječi hvale jer ta podrška mu je od velikog značaja za dosadašnje školovanje, kao i za buduće obrazovanje i nizanje uspjeha.

### ALDINA DELIĆ

Aldina Delić, stipendistica je iz mjesta Mosorovac u blizini Lukavca. Živi sa roditeljima, sestrom i nanom. S obzirom da puno vremena provodi u učenju, ima vrlo malo slobodnog vremena koje obično provodi na raznim školskim takmičenjima. Za titulu učenice generacije kaže kako je trebalo puno truda i odricanja od svakodnevnih obaveza. Što se budućnosti tiče, upisala je gimnaziju jer smatra da je vrlo dobra osnova za svaki naredni izbor fakulteta. Fondacija Hastor joj pruža kontinuiranu podršku u školovanju, a i životu općenito. Ističe kako je vrijeme provedeno sa našim volonterima vrlo korisno i zanimljivo i kako se uvijek unaprijed raduje druženjima, te se nada da će još dugo godina ostati dio ove velike porodice.

## / GENERACIJA MATURANATA 2015/2016.

*Učenici generacije*

Srednja  
škola

Ramiz Turić  
Dina Osmanović  
Amra Redžić



### RAMIZ TURIĆ

Devetnaestogodišnjak Ramiz Turić iz Novog Travnika također je jedan od uspješnih stipendista i učenika generacije srednjih škola. Osnovnu školu završio je u Opari, a srednju matematičko-informatičku gimnaziju u Travniku, oba puta prosjekom 5,0. Slobodno vrijeme provodi kao aktivni volonter u OU Nova Vizija sa kreativnim radionicama i upoznavanjem novih ljudi. Voli biciklizam, razne timske sportove kao i čitanje. Kao redovan student primljen je na Mašinski fakultet u Sarajevu u nadi da će njegovo znanje jednog dana biti od velike pomoći drugim ljudima.

“Tek sada, kada postajem zreliji i bivam prinuđen na razne životne situacije sve mi više postaje jasan značaj stipendije. Osjećam se počašćeno biti u društvu ovih ljudi znajući koliko je moj put ka obrazovanju uz njih olakšan. Kao stipendista ove velike Fondacije, na sebi uviđam promjene u izgradnji svoje ličnosti koje sam zacijelo stekao provodeći vrijeme sa ostalim volonterima Fondacije. Fondacija Hastor je uistinu dar svakom učeniku sa određenim ciljevima.”

## DINA OSMANOVIĆ

Pohađala gimnaziju u Mješovitoj srednjoj školi Kalesija. Živi sa roditeljima i mlađom sestrom. Slobodno vrijeme najčešće provodi u prirodi ili čitajući razne knjige. Nakon uspješno završene srednje škole, Dina će obrazovanje nastaviti na Internacionalnom Burch Univerzitetu u Sarajevu, gdje je odabrala smjer genetike i bioinženjeringa. Otkriva da ju je ovaj fakultet privukao zbog nastave na engleskom jeziku, i smatra da je genetika danas veoma cijenjena u svijetu i time se namjerava baviti u budućnosti.

„Podrška Fondacije Hastor mi znači mnogo. Upravo Fondacija je razlog zašto sam bila u mogućnosti da upišem željeni fakultet. Osim finansijske podrške, na volonterskim satima napredujem mnogo i razvijam se kao ličnost.“

## AMRA REDŽIĆ

Amra je srednjoškolsko obrazovanje završila u Srednjoj stručnoj školi u Janji, na smjeru Ekonomija, pravo i trgovina te stekla zvanje trgovački tehničar. Živi u Janji sa roditeljima, djedom i tetkom. Svoje slobodno vrijeme koristi da pomogne roditeljima u kućnim i baštenskim poslovima, također voli da šeta i čita knjige. Voli raditi s djecom pa je zato upisala Pedagoški fakultet u Bijeljini, smjer razredna nastava. Ističe da podrška Fondacije Hastor, naročito ona finansijska, predstavlja veliki oslonac i olakšava život njoj i njenoj porodici.

## / GENERACIJA DIPLOMANATA I MAGISTRANATA 2015/2016.

Čolić Semir  
Delić Sanel  
Dizdarević Talba  
Džihov Tajma  
Đonlagić Lejla  
Ključo Aldina  
Omerika Selma  
Pajalić Mirzeta  
Šakanović Nerma  
Tica Sadin  
Tica Azra  
Vele Almedina  
Zajković Amra  
Zuhrić Almedina

***Obrazovanje + Znanje  
= Izvrsnost***



## SANEL DELIĆ (1992) MRKONJIĆ GRAD

Sanel Delić je bio stipendista Fondacije Hastor još od 2008. godine. Ove godine je završio master studij arhitekture na Internacionalnom Burch Univerzitetu. Prepoznatljiv po svom velikom talentu i motivaciji. Pored fakultetskih obaveza i obaveza prema Fondaciji, Sanel ostatak vremena provodi baveći se web i grafičkim dizajnom. Poseban naglasak na njegov trud i kreativnost treba staviti to da je u masi radova i prijedloga upravo njegov izabran da obilježi deset godina postojanja Fondacije Hastor. Pored logotipa, Sanel je razvio i ideju za aplikaciju Fondacije Hastor i na tome u posljednje vrijeme aktivno radi u timu sa još nekoliko stipendista. Iako je završio fakultet i prestao biti stipendista Fondacije Hastor, Sanel je kroz rad na aplikaciji i dalje ostao volonter i prijatelj Fondacije Hastor.

„Za osam godina koliko sam proveo u Fondaciji Hastor, što kroz volontiranje na terenu što u administraciji, sam naučio mnogo toga. Sve obaveze i zadaci koje sam imao, odnos Fondacije prema nama stipendistima, kao i sva sklopljena prijateljstva, su gradila moju ličnost i dovele me do toga što sam danas. Zahvaljujući Fondaciji prije svega završio sam studij arhitekture i uz usvojeni set vještina pronašao zaposlenje. Vodeći se primjerom Fondacije danas nastojim da pomognem drugima i činim dobro za svoje društvo i zajednicu.“

## MIRZETA PAJALIĆ (1994) BUŽIM

Mirzeta Pajalić je bila stipendistica Fondacije Hastor još od 2006. godine, kada je Fondacija i osnovana. Ove godine je diplomirala na Pedagoškom fakultetu u Bihaću, odsjek Engleski jezik i književnost. Redovno i odgovorno je volontirala i kroz volonterski rad pomagala mlađim stipendistima Fondacije Hastor. U slobodno vrijeme voli da čita, a trenutno radi na vlastitoj biblioteci.

„Nekome ko nije imao priliku biti dio Fondacije Hastor, vrlo je teško objasniti šta znači biti dio organizacije koja vas 10 godina novčano pomaže, a osim toga se i kontinuirano brine da se vaše obrazovanje ne prekine, te da steknete različite vještine. Bilo je to jedno veoma zanimljivo iskustvo iz kojeg su se izrodila i neka dobra prijateljstva.“

## **/ UČITELJ RAMO NAKON 10 GODINA**

Prije deset godina, u aprilu 2006 godine, mi je osnivač Fondacije Nijaz Hastor rekao da se upoznam sa pravilima Fondacije i da vidim šta ja mogu uraditi. Objasnjavao mi je kako je on to zamislio, a ja sam ga slušao svim svojim čulima, i ušima i očima i srcem i dušom, jer je to Nijaz umio lijepo da mi dočara.

Razumio sam da želi pomoći djeci, a posebno djeci iz seoskih područja koja su udaljenija od grada da se školuju i postanu akademski građani, jer samo pametni i obrazovani ljudi mogu zemlju izgraditi da se u njoj može lijepo u miru od svog rada živjeti. Sjećam se, govorio je da će Fondacija Hastor pomagati djecu novcem, ali i knjigama i priborom, pa i u učenju u vidu volonterskih časova. Učit ćemo ih da ne budu egoisti nego da i oni prema svojim mogućnostima pomažu drugima.

Shvatio sam da je ovo jedan vrlo plemenit posao pa sam dan kasnije sa mojom ženom već bio u Žepi i Međedi kod Višegrada, zatim na terenima Olova, Kladnja, Vlasenice, Milića, Bratunca i Srebrenice. Odlazio sam u sela po 50 kilometera udaljena od grada. Te godine odabrali smo preko 300 djece iz siromašnih porodica, djece koja žele da uče, koja su u septembru počeli



**KAKO SAM  
PRONALAZIO  
BISERE**

**FONDACIJE HASTOR**

dobijati novac u vidu stipendije od Fondacije Hastor. Taj posao odabira djece nastavio sam i narednih godina, jer se broj stipendista povećavao svake godine. Uđem u selo i pitam one koje sretnem mogu li mi reći koje su najbogatije porodice u selu. Kad mi kažu onda ponovo pitam koje su najsiromašnije, i kad mi kažu, ja odlazim u te porodice, pitam roditelje i odrasle članove porodice kako i od čega žive, a djecu kako uče, dokle se misle školovati i jesu li odlučili šta žele postati. Eto tako je bilo i u Livnu. Prikupljene podatke prezentiram Komisiji za dodjelu stipendije Fondacije Hastor. Tako smo se predstavili u velikom broju gradova, općina, škola. U tom predstavljanju pomogli su nas i mediji. Razradili smo i sistem po kome nas zainteresovani mogu pronaći da im pomognemo, a i da nam pomognu.

Sa svakim stipendistom potpisujemo ugovor da se zna šta su čija prava, a šta obaveze. Od stipendista tražimo da dobro uče i primjerno se vladaju i da u toku mjeseca volontiraju 10 sati, a zauzvrat Fondacija im daje stipendiju za osnovce 100, srednjoškolce 150, a studente 250 konvertibilnih maraka, 12 puta u godini plus bonus trinaesta stipendija za učenike koji poprave svoj uspjeh i studente koji poprave svoj prosjek za jednu cijelu ocjenu. Često odlazim na volonterske sastanke gdje razgovaram sa prisutnim stipendistima koji me upoznaju sa radom i učenjem, pričaju mi o životu u porodici, u školi, u društvu uopšte. U jednom takvom razgovoru, Meho mi reče: „Kad sam dobio ruksak od Fodacije Hastor baš sam mu se obradovao iako je i moj bio dobar. Ali

sam se mnogo više obradovao kad sam vidio osmijeh i radost na licu Fehima kad sam mu poklonio moj dotadašnji ruksak.“ Na jednom od tih sastanaka stipendista Fondacije Hastor, Dževada, mi ispriča da su u njenoj kući prvih godina od stipendije većinu novca davali za brašno i druge namirnice, ali ih je kasnije krenulo, sad ona od svake stipendije nešto pokloni komšinici Fehimi koja ima tri brata i dvije sestre, a nemaju stalnih primanja. Iz ovih razgovora zaključujem da je dobrim dijelom postignut dio cilja - da i oni nekome pomažu.

Kao dugogodišnji prosvjetni radnik, tačnije učitelj, objašnjavam studentima stipendistima šta je dobro, a šta ne valja, a oni to pričaju osnovcima i srednjoškolcima kojima ova saznanja postaju prihvatljivija i rado ih slušaju i poslušaju jer ih čuju od osoba skoro sebi ravnih po godinama. Tako Fondacija Hastor odvaja od ulice, cigareta, alkohola, droge i drugih poroka jako veliku brojnost djece. Semir mi na jednom sastanku reče: „Učitelju Ramo, ja sam stipendista Fondacije Hastor već 8 godina i za to vrijeme više imam volonterskih časova nego učenik u školi za godinu dana koji ima 7 časova dnevno.“ Pogledah ga s nepovjerenjem. Uzeh kalkulator i uvjerih se. To me usmjeri ka matematici. Samo prošle godine 1393 stipendiste puta 12 mjeseci je 16.716 mjeseci, puta 10 sati je 167.160 sati što je Fondacija Hastor odvojila mladu ličnost od lošeg društva i usmjeravala je kako da postane pravi čovjek lijepog ponašanja, a ne izgrednik.

## / VOLONTERI FONDACIJE HASTOR

Aganspahić Sead  
Agović Denis  
Agović Jasmin  
Ahmetović Edin  
Bečić Samra  
Bećar Enisa  
Branković Nina  
Čalaš Ajla  
Čivgin Nihad  
Dinar Azra  
Džanko Nermin  
Džumhur Đenan  
Đedović Eldin  
Gagula Refija  
Granulo Elvir  
Hadžić Edina  
Hadžić Hasan  
Hadžić  
Mehmedalija  
Hadžiselimović  
Eldin  
Halilbašić Samra  
Hastor Fadila  
Hastor Ramo  
Hodžić Alisa  
Hodžić Merima  
Imamović Nermina

Jazvin Almir  
Karamehmedović  
Aleksandra  
Kaurin Mladen  
Kučuk Adisa  
Lazović Nejla  
Lemut Anita  
Marić Irma  
Mašnić Selma  
Muminović  
Muhamed  
Palić Safet  
Peršić Vedran  
Pulić Mirza  
Redžepagić Aida  
Redžepović Aida  
Redžepović Samir  
Salkić Aida  
Serna Irena  
Smajić Nermina  
Sorguč Amal  
Suljić Inas  
Tihi-Babić Suzana  
Tuce Zlatan  
Uzunović Zlatan  
Zukić Merima  
... i mnogi drugi.

# / NAŠI PROJEKTI



LJETNI RASPUST U HOLANDIJI



PARTNER KIDS FESTIVALA



PISANJE PROJEKATA PO STANDARDIMA EU



**Adisa Bolić**  
Dobitnica nekoliko medalja na internacionalnim takmičenjima iz matematike



**Adnan Ibrić**  
Vođa učesnika na Juniorskoj Balkanskoj Matematičkoj Olimpijadi

## Aktivnosti naših stipendista



**Dina Osmanović, Emina Šljivak i Nermina Ramić**  
Realizovale projekt „MALI ENGLEZI“




**Džemo Selimović**  
Kreator stripova




**Samra Bečić i Nermina Imamović**  
sa stipendistima organizovale 5 humanitarnih akcija



**Merima Osmanović**  
Pobjednica državnog prvenstva specijalne olimpijade u atletici



**Zehra Gromilić**  
posjeta staračkom domu „Vitalis“



**Ahmo Mehmedović**  
Učesnik velikog broja projekata u Srebrenici



**Amila Mekić**  
Prvakinja na međunarodnim karate turnirima

## / PRIDRUŽITE NAM SE

Čuli ste za rad Fondacije Hastor i želite se uključiti?

Organizovaćemo sastanak i predstaviti načine na koje se možete uključiti

Kontaktirajte nas putem maila ili telefona

**ODLUČILI STE SE DA PODRŽITE NEKOGA OD NAŠIH STIPENDISTA?**

GODIŠNJI IZVJEŠTAJ O USPJEHU STIPENDISTA

Druženje sa stipendistima!

**KRAJ ŠKOLOVANJA STIPENDISTE: ZAJEDNO SLAVITE USPJEH I POTENCIJALNO UPOŠLJAVATE STIPENDISTU U SVOJOJ KOMPANIJI**

Ukoliko želite podržati rad Fondacije Hastor, uplatu donacije možete izvršiti na jedan od transakcionih računa:

- ✓ **IK Banka 1346101000825159**
- ✓ **Unicredit Bank dd Sarajevo 3389002201775656,**
- ✓ **Raiffeisen bank BH dd Sarajevo 1610000055230065**

# / KLUB PRIJATELJA





## / UPRAVNI ODBOR

Jazvin Almir  
Hadžiselimović Eldin  
Redžepović Samir

## / KOMISIJA ZA DODJELU STIPENDIJA

Hastor Ramo  
Hadžić Mehmedalija  
Jazvin Almir  
Smajić Nermina  
Hadžiselimović Eldin  
Redžepović Samir

## / OSOBLJE FONDACIJE

Fijuljanin Seid, direktor  
Dedić Amela  
Đonlagić Lejla  
Tuće Nedim